



Khutba Jummah

HADHRAT MUHYI-UD-DIN AL-KHALIFATULLAH
Munir Ahmad Azim

19 Mai 2017
(22 Shabaan 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « La Ligne Fine entre Le Bien et Le Mal »:

إِنَّ اللَّهَ مَعَ الَّذِينَ اتَّقَوْا وَالَّذِينَ هُمْ مُحْسِنُونَ

'Innallaaha ma-'allaziinat taqaw wallaziina hum-Muhsinuun.

« Allah reste avec bane ki juste (ki droite et emmène ene bon la vie) et ki faire du bien. »
(An-Nahl 16: 129).

Sans doute, Allah Li avec bane ki adopté le *Taqwa*, c'est-à-dire la droiture et bane ki faire bane actions encore pli important ki *Taqwa*, c'est-à-dire ki zot bane dimounes ki faire le bien, zot bienfaisants (kot zot toujours ena le désir pou faire le bien et servir l'humanité).

La signification de *Taqwa* consister dans reste loin de bane mauvais actions, bane actes répréhensibles de telle sorte ki même bane la lignes bien fines ki tout autour pas franchi. En d'autres mots, *Taqwa* veut dire reste loin avec bane mauvais actions dans ene telle façon ki ene dimoune pas dépasse bane limites là-dans aussi, parski dans mauvais action aussi ena saki grave et moin grave aussi mais néanmoins tout sa là reste mauvais action même. Alors même dans mauvais action faudé pas dépasse limite. Rappel zot toutefois, ki la bonté c'est pas ki ene dimoune li être considérer par bane les autres comme ene « bon »

dimoune zis parski li pas fine commette bane tel crimes couma cokain droits ou dibiens de so prochain ou sois ki li considérer comme « bon » à cause li fine retenir li pou pas cause menti et li fine reste loin avec l'adultère. En ce ki concerne l'adultère, rappel zot bien ki même si cause bane paroles doux à bane les autres dimoune autres ki bane ki autorisé, alors sa capave faire sa dimoune là pencher vers sa péché ki appelle adultère là. Bizin garde à l'esprit ki ene tel comportement capave vine ene péché, parski Satan saisi tout bane ti l'occasion pou faire ki « bon » vine « impure (ou pas bon) ». C'est pourquoi, sak croyant, ki li ene zomme ou sois ene femme bizin prend tout précaution contre sa péché grave là, et préserve zot couma Quran conseille zot: « ... **Si zot craindre Allah, alors pas dire bane paroles doux (à bane zommes), parski celui ki ena ene maladie dans so lécoeur va désire ou; mais dire zot bane paroles convenables.** » (Al-Ahzab 33: 33).

De ce fait, bane simples paroles capave vine ene avant-goût, ene ti réclame de sa péché majeur ki appelle l'adultère là. Sa li bien grave dans lizié d'Allah. Punition pour sa (pour l'adultère et tout saki amène vers l'adultère) li bien sévère. Donc, pas d'excuse à propos de ça. Allah dire aussi dans Quran Shareef: « **Pou bane zommes et femmes musulmans, croyant, dévoué, loyal, endurant, humble, charitable, ki garde carême (Roza), ki garde zot chasteté, et ki rappelle Allah beaucoup. Allah fine prépare pou zot le pardon et ene grand récompense.** » (Al-Ahzab 33: 36).

C'est-à-dire ki Allah avec bane ki abstenir zot (c'est-à-dire, reste loin) de sa bane tels mauvais actions et ki en même temps zot faire aussi bane bons actions. Ena beaucoup dimoune ki dimoune lor la terre capave considère zot comme bane croyants et bane véridiques, mais ki dans léciel zot considérer couma bane non-croyants. Ene vrai croyant ki véridique dans tout sens ki bizin li celui ki considérer comme ene véridique dans léciel, malgré le fait ki dimoune lor la terre prend li couma ene *Kafir* ou non croyant. Toutefois, l'accomplissement d'ene tel l'état de vraie croyance et d'ene sincérité complet et bane signes manifestes de loyauté et sincérité totale envers Allah c'est ene travail difficile. C'est le cas, ki, kan ene dimoune gagne ene croyance profondément sincère et vraie (en Allah), alors ena plusieurs de bane signes ki manifester ki faire conné ki li dans sa l'état (de sincérité et de croyance) là. Et ena aussi bane épreuves ki li bizin passer pour tester so la foi et so sincérité.

Et surtout, par la grâce d'Allah, le mois de Ramadhan pé vini *Insha-Allah*. Sakaine d'entre zot bizin faire de so mieux pour faire le maximum de bane bon actions et récolter le plaisir d'Allah.

Rappel zot bien le simple fait pou abstenir zot de bane mauvais actions li pas en li-même digne pou être considéré couma ene acte exceptionnel, à moins ki avec sa, ena aussi l'accomplissement de bane bons actions. Ena beaucoup dimoune ki zamais fine commette

l'adultère (Et couma zot fine dire zot talère là, l'adultère capave prend plusieurs formes, par exemple, cause avec bane camarades en pensant c'est zis couma « ene camarade » ki pé dire tel tel zaffaire, et ensuite sa intensifié ziska dire « Mo content toi » et ena même ki alle pli loin kot zot échange bane paroles, photos et vidéos pornographiques)... Alors, couma mo ti pé dire zot, ena beaucoup dimounes ki zamais fine commette l'adultère ou ene meurtre (par exemple, touye kikaine pour accapare so bane dibiens ou pou tire vengeance etc.), ni zot fine livrer zot à bane tels actes couma ene ti vol ou ene grand vol, mais malgré tout sa, zot pas faire aucaine action ki manifester ene véritable loyauté envers Allah et ni zot servir l'humanité dans kit façon que ce soit. Sa bane tel kalité dimounes là capave même ena la haine dans zot lécoeur pour bane les autres, kot zot insulter sa bane là et pas ena aucaine sympathie pour zot. Zot capave même prend bane les autres comme inférieur à zot, comme si dirai zot supérieur à bane les autres et ki c'est zot ki ena toujours raison.

Par conséquent, sa bane kalité dimounes là, malgré ki zot pas livrer zot à bane péchés majeurs tels ki l'adultère ou meurtre, mais zot ignore bane commandements d'Allah et zot pas faire aucaine action ki montrer ene véritable loyauté envers Allah et ni zot servir l'humanité de kit manière que ce soit. Bane tels dimounes alors pas fine fer kit bons actions. C'est bane dimounes ignorants ki pou présente sa bane kitchoses là coumsa et pou énumère seulement sa bane dimounes parmi bane justes là seulement parski zot pas fine commette bane grands péchés (couma vol, touye dimounes et l'adultère ki généralement accepté comme étant mauvais et) ki constituer ene mauvais comportement. C'est vrai ki le simple fait pou abstenir de tout sa pas pou amène ene dimounes pou rentre parmi bane ki connu couma bane « Camarades d'Allah ». C'est Sunnat Allah (pratique d'Allah) ki bane ki laisse zot emporter dans bane mauvais comportement couma bane ki cokain, ki malhonnête et bane ki prend bribes, tout sa bane dimounes là pou gagne zot punition dans sa lémonde ici-bas là même. Rappelle zot alors ki le simple fait pou reste loin avec bane péchés majeures li pas constituer en li-même la bonté.

Taqwa (c'est-à-dire la droiture) c'est ene étape inférieure. So l'exemple c'est comme ene récipient ki nettoyé à fond afin ki le meilleur type de nourriture capave placé là-dans. Si, toutefois, arriver ki malgré ki container là fine bien nettoyé, mais ki pas mette aucaine manger là-dans, eski sa pou passe la faim de sa dimoune là? Bien sur que non! Sa li pareil aussi pou *Taqwa*. Ki été *Taqwa*? C'est simplement sa kitchose ki nettoye sa récipient ki contenir *Nafs-e-Ammara* là (c'est-à-dire le moi ki incite vers le mal).

Avec sa bane paroles là, mo termine mo Khutba ici azordi. Ô mo bane disciples, essaye comprend sa Khutba là et faire attention à zot bane actions. Mo fer *duah* avec Allah, ki Allah pardonne zot et accorde zot la faculté à l'intérieur de zot et aussi extérieurement pou zot vine bane bons croyants, bane tels croyants ki vraiment pou Allah dans tous sens. *Insha-Allah, Ameen.*